

Landesbibliothek Oldenburg

Digitalisierung von Drucken

Maria Middendorf: Brüggen bauen

Maria Middendorf

Brüggen bauen

Ick wull gern den Maut häbben,
Brüggen tau bauen
hen äöwer deipe Gräöben.

Kiene Brüggen nao 'n Maond,
man Brüggen taunanner.

Ick wull gern den Maut häbben,
eine Brügge tau bauen
nao den, dei mi Unrecht daon.
Maut häbben, Vergäben tau seuken,
wor ick Unrecht daon.

Ick wull gern den Maut häbben,
mit aopen Hanne
nao eine ballde Fuust tau langen.

Ick wull gern den Maut häbben
tau 'n Brüggenbauen tüsken Jung un Old,
tüsken Arme un Rieke
un hen nao Kräöpel un Süke.

Ick wull gern den Maut häbben,
dei eiersten Träe tau daun
un äöwer masse Brüggen tau gaohn,
dei ick sülwes mott bau'n.

(frei nao ein Gedicht up 'n Klennerblatt)



Gertrud Herzog

Bottervaogel

Vör use witten Fensterruten,
sitt ein Bottervaogel buten.
Sünnenstraohlen häbbt üm draopen.
Hei schaukelt vör Fraide, as wör hei besaopen.

Hei flattget un flittket,
vör Fraide hei wippket.
Ick kiek neiwinnig achterher.
Up maol is hei wäge,
ick seih üm nich mehr.